

精鈔
大字

隨

園

全

集

外集

十九

大國學堂隨園全集卷之五

小倉山
房外集

上海文明
書局藏版

序

隨園先生古文三十卷。以駢體六卷為外集。命英序之。英按。散行文尚矣。然體裁必相題而作。嘗讀韓昌黎黃陵廟碑。柳子厚湘源二妃碑。索索無味。令人不得不思王楊盧駱。蓋題本儼然。難以質言。而表敬賀謝之類。無甚意義。非徵典不文。非耦語不莊。先生於此體不多作。亦不輕作。存者若干。古藻續紛。大氣旋轉。足冠一時。英擬學李善注。不選。以公之於天下。苦讀書不多。未敢質相妄測。乃先為之揭其立言之旨。而箋釋之功。姑俟諸異日。常州受業門人翰林檢討李英拜撰。

題隨園駢體文

飛書用枚臯。典冊用相如。子雲實有言。兼者其誰與。文章有儼體。六經開權輿。凡物比奇耦。整散為密疎。取材各有宜。裁道無差殊。揚馬盛西京。班張冠東都。典論推七子。繼美稱庾徐。皆伸七襄手。共握瓊璣樞。袁公秀江東。珥筆游蓬壺。是古制誥才。學士同中書。顧以沈宋身。出曳龍黃裾。仕宦忽不樂。賈山賦閒居。裁花作友朋。列屋成畫圖。發揮巧匠心。結構隱退廬。萬卷圍一身。才氣橫太虛。位卑乃著作。李邕言有諸。詩文積三區。億萬光明珠。談笑出五能。霑溉卿大夫。戶牖筆研陳。瓶甕楷墨儲。白圭四六文。雲霞相卷舒。百家入歲經。羣史供庖厨。一索貫萬錢。任沈顏謝俱。文律一動搖。宮商即奔趨。詞源一沃蕩。河海咸灌輸。趨昭事益博。慮周藻相敷。手持注水箭。放溜決川渠。思風鼓言泉。造化不得拘。武夫與悍卒。願為老鐵奴。序傳祖十翼。表啟根三謨。銘志列俎豆。廟碑肅瓊瑤。以意立真宰。以氣為匡扶。彩繡赴纂組。英華恣含咀。花骨屬天稟。綺靡亦其餘。翡翠戲蘭若。鴛鴦立芙蓉。纏綿風月懷。曲曲相縈紆。此體有正宗。不收歐陽蘇。何況陳迦陵。碌碌章與吳。我胸無書畫。我腹非冶爐。曾職應付文。同官笑其麇。自慚張伯松。不識揚雄徒。公文我獨嗜。負弩充前驅。敢學皇甫謐。佛頂強加污。乾隆己丑落燈夕。館後學蔣士銓題。

小倉山房外集目錄

卷之一

表

擬乞假歸娶表

為尹太保賀平伊犁表

為莊撫軍賀平伊犁表

為黃太保賀平大金川表

代江南紳士謝萬壽恩科表

序

鶯脰湖莊詩序

萬柘坡樂于集序

送姚次公刺史之景州序

許南臺悼亡詩序

送尹宮保熱河陪宴西戎序

卷之二

序

贈樊生序

尤貢甫出塞詩序

紅豆村人詩序

周石帆學士西使集序

繡餘吟序

送梅循齋總憲歸宛陵序

李紅亭詩集序

岳水軒詩集序

陳古漁詩概序

王郎曲序 為溫皆山吏部作

卷之三

序

尹公七旬生日授文華殿大學士序

孫小玫簪花圖序

尹似村公子詩集序

竹軒小集詩序

送尹太保從兩江入閩序

瞻園小集詩序

俞楚江詩序

瞻園兩公子送行詩序

尹文端公詩集序

熊蔗泉觀察詩集序

祭文

代渤海相公祭尹太保文

祭吳桓王廟文

公祭襄勤伯公文

檄吳縣城隍神文

祭盧恭人文

卷之四

書

上尹制府書

答王厚齋書

與蔣茗生書

與延綏將軍書

與雨林似村兩公子書

上台觀祭書

慰蔣用菴侍御失火書

與楊蒼寰兄弟書

卷之五

啟

代許方伯為高太恭人徵詩啟

謝金撫軍薦博學鴻詞啟

擅責旗廝謝公將軍啟

謝薦擢高郵刺史啟

上尹制府乞病啟

為黃太保賀經畧傅公平大金川啟

謝蘇州太守趙文山啟

賀尹太保側室張氏封一品夫人啟

謝瞻園託太中丞賜牡丹啟

為雲華君翠袖圖徵詩啟

謝尹太保和詩啟

謝慶侍郎贈仄鼠裘啟

代請熊滌齋先生重赴鹿鳴啟

募修成仁菴疏

卷之六

碑

任勇烈公神道碑

御祭下忠貞公墓紀恩碑

重修于忠肅廟碑

兵部左侍郎凌公神道碑

東閣大學士蔣文恪公神道碑

六營公立兩江總督尹公去思碑

餘杭諸葛武侯廟碑

墓志

莊西麓先生墓表

誥奉奉政大夫江南左營遊擊孫公墓誌銘

誥封資政大夫常德府知府張公墓誌銘

誥封奉政大夫丹陽縣知縣魏公墓誌銘

汪君楷亭墓誌銘

客吟先生墓誌銘

聰娘墓誌

卷之七 補遺

代祝兩江節相渤海公七十壽序

陳涇南修禊詩序

金賢村太守詩序

梅軒先生六十壽序

謝渤海相公元旦賜鹿豕鵝鴨等物及福字啟

為章太宜人七袂徵詩啟

郡文學呂君墓誌銘

孫徽省亡妻王孺人墓誌銘

徐君禮珍墓誌銘

陳淑蘭女子詩序

劉霞裳詩序

贈儒林郎翰林院待詔厚齋項君暨姚安人合葬墓志銘

贈中議大夫孝廉隱谷孫君暨范太淑人合葬墓表

卷之八補遺

禮親王世子詩序

思元主人詩序

陳檢討填詞圖序

宮闈雜詠序

清娛閣合刻詩序

公祝奇麗川中丞五十壽序代

恩賜世襲雲騎尉羅漢門縣丞陳君墓誌銘

重修錢武肅王廟記代杭州李太守作

小倉山房外集卷一

錢唐袁枚子才

擬乞假歸娶表

臣聞五算徵民。嘉禮首隆。辟合三清。論職詞臣。本屬閒曹。故知納幣親迎。卿士可以入告。越覓反馬。春秋不譏曠官。況乃官在婚先。妻因夫貴。釋褐與結褵並。賦花釵與爵弁齊明。長源成婚。北軍供帳。敏中來婦。金紫迎風。凡文人未有之榮。皆聖代遭逢之盛。欽惟

皇帝陛下。兩儀合撰。三皇如春。乘龍德而山澤通。吹鳳管而雌雄應。雖上林鳴鳥。無不帶露。雙飛。即太液游魚。亦各銜恩。逐隊固已民無怨曠。草畫嚴無。臣西浙童牙。寒門白望。十二歲舉茂才。二十歲舉鴻博。樂昏未擾。即來觀國之光。皇雅未歌。無暇房中之奏。是以十年不字。三族無虞。藉瑟琴平學道之心。懼兒女累風雲之氣。雉朝飛而有曲。雁宵奠以無聲。茲蒙皇上聖恩。選臣為翰林。授臣為吉士。才非李白。登上寶華牀。學愧康成。註三商。命議采蘋采藻。方陳太史之詩。一陰一陽。未卜家人之卦。因五夜之待漏。驚三星之在天。愧六禮之行。連感九重之恩。早賜面藥口脂於漢臘。男子受之而不芳。考裘衣褴褛於周官。鰥生讀之而有羨。蓬山風冷。東觀宵長。簪筆則金粉飄寒。早朝而衣裳顛倒。偶然割肉。無可相遺。即賜沐湯。不願居外。青綾被好。孤重郎署之香。黃紙緘封。虛貶孺人之號。仙侶疑其命集。中消笑作童真。如臣者。想亦媒氏所平章。相公所調燮者。

歟。乃故鄉水泮。下達書來。或盼遊子以倚閭。或布几筵而坐。日鄰夸衣錦。畫可還鄉。兒賢君
美。歸當遺母。雀巢無實。已歸妹之愆期。有女懷春。非吉士其誰誘。而況單鳬寡鵠。豈宜濫列鵷行。介
特孤丁。未敢纂修吉禮。伏求 皇上賜臣歸田之假。成臣乞養之榮。雙鳳闕前。許借飛龍之殿。三
神山。下。輕回弱水之船。取清俸以陪門。五兩不過。率陰臣而拜闕。九十其儀。將見燭撒金蓮。光
來天上。袍披蜀襪。香到人間。史筆催妝。銀管耀青廬之色。天錢撒帳。女牀聽鸞鳥之鳴。當天下有道
之時。我輩子佩。趁父母俱存之日。男唯女俞。明年春水方生時。屈指微臣來日。步八磚而即至。不
敢迷花。歌昧旦以趨朝。同聽謠言枕。

為尹太保賀伊里溫平表

臣聞王者大一統之義。春秋復九世之仇。古之聖人。握金鏡。秉神機。固將亭毒八荒。廬牟六合也。
然神禹導河。不過積石。秦皇烹海。止於臨洮。軒轅轡野之師。高辛觸山之務。成湯三股之伐。周王
鮪水之誓。雖智竭囊底。而功止掌中。未有我武維揚。窮天之界。如今日者。欽惟

皇帝陛下。一人有慶。五嶽無塵。海水不波。問摩訶無使者。青雲千呂。知中國有聖人。固已絕地通
天。瞻雲奏律矣。惟建瓴爾夷部。僻處西陲。跳梁沙漠。稽兩朝之文化。煩 列聖之天心。枯矢來庭。
則許甘松之巨市。赤囊報詔。則鳴琅鐸以專征。張弛異宜。德刑兼用。亦以事機有待。夷性難馴。故也。
今天誘其衷。神厭其德。達爾扎與達瓦齊等。篡弒相仍。風災迭起。擇掣不識。敢倚天驕。朝定無人。

自然烏龍車。穆吳巴什等。率眾投誠。阿木爾撒納等。領軍踵至。或吹蠡享使。或榜面請兵。或矢鉢請除一官。或燒當願當一隊。國中牛馬盡向南。天上龍頭早看星落。五軍十亭立。是匈奴降漢之年。九節度出師。止回紇尊唐之日。我皇上擴覆載之仁。不置遠方於度外。連昭臨之智。早悉此虜於目中。於是牙璋先頒。金帛獨斷。贊蔡州之伐。惟裴度一人。計烏桓之兵。屈陳湯五指。從寬上駟除瀚海。取仄盤指畫天山。歸漢封君。改關者即加顯擢。袂衣作衛。鳴鏑者俾作先驅。西北分兩道之兵。聲勢動九天之上。如太陽之沃霜雪。所過皆消。譬久旱之得雲霓。歸來恐後。蛇矛未拔。銀鵠先奔。逐窮寇而狐尾頭低。草穰書而羊皮紙盡。但整六師而返。不見一虜而還。萬馬禁聲。盡解鞍而蹴踘。諸夷無事。將買犢以耕耘。開墾門招壤壤之臣。取流沙為附庸之國。惟聖人之德大斯不怒而威。亦王者之功高。故有征無戰。踐龍庭之草。露偃春風。出玉門之關。花開內地。伏念我聖祖遠滅延他。河西遺種。我

世宗窮搜棘鞬。黑水留州。凡祖宗累年未竟之貽謀。皆皇上一旦纂成之鴻業。金山擒車鼻。本文皇漏網之魚。渭水謁單于。慰高祖平城之憾。被我純績。戴我金犀。飲朱提者三千人。而未乾置驛遞者六百所。而更遠從此受降城下。新來冠帶之民。都護府中。不用防秋之策。禽黎呼毒。望氣來庭。前輩黃牝。聞風請吏。拔銅柱以埽地。取金人而祭天。化此輩為孝子順孫。何嫌荒服。呼中國為天宸帝所。都恨來遲。臣職任兩江。神馳九陞。想北闕凱旋之日。正南風解愠之時。愧臧旻

之才。遍數三十六國。譯失普之句。敢增千百萬言。曲鏡歌聽策勲於太史。兩階千拜。願增喜於龍顏。

為壯撫軍賀平伊里表

臣聞時不可失。而知幾惟聖人。功有非常。而止戈惟王者。歸邪星出。國有降君。駟虞獸來。邊無烽警。是以漢臣中西域。而立幕府。唐皇取松外。而置縣官。猶欲刻玉燕然。鐫金青海。況丹極以外。滄維之苗。率土來歸。無思不服。求之邃古。實所希聞。欽惟

皇帝陛下。八紘靜處。十洲澄鏡。久已填廬山於赤縣。擁狼望於黃圖。惟淮噶爾部落。遠恃流沙。荒驕大漠。屢稽質子。不供包茅。我

聖祖萬乘親征。埽蠟螭之絕塞。我

世宗五兵暫戢。貧鳥鼠之餘魂。如後漢之與南夷。七擒七縱。比延光之於西域。三絕三通。未嘗不以丹水之師。遠期伯禹。崇墉之伐。深望姬昌也。今達爾扎自嚙焦梨。達瓦齊形同尸逐。牛羊不壯。知突厥之將亡。魚鼈無橋。識東明之不渡。坐金牀以望太歲。星拱中華。祀獬狔而問大神。巫誇漢盛。是以車楞烏巴什與阿睦爾撒納等。或舞天先至。或嗅地旋來。當是時也。五幡遺孽。只用善答。九塞旋風。但需鞭打。倘杜崇拒單于之上表。則安國必捲帳而自驚。班超還疏勒而先歸。則黎弇以遠漢而自剄。懷皇仁者。雖歌樂木。議國事者。爭棄珠玉。聖上以為非常之原。黎民所

懼先幾之務。惟斷乃成。在貞觀之拒康居。雖云量力。而建武之辭西域。終少雄圖。乃射苑行以下西羌。推棋枰而決大策。鎧盾一戰。龍麗十重。網設周隄。軍歌鐵拔。以党項為前導。故知吐谷之風沙。假北韃為疑兵。遂抵焉耆之巢穴。周道如砥。漢將皆飛。反首爰舍。而奔者。膚行如風。繩行沙度。而來者。視道若咫。收黑山四百三之部落。耀朔方十八萬之旌旗。雪領橫天。上下搜而全無虜跡。賢王伏地。左右視而都是陪臣。築三受降城。置五屬國府。使漢家長無北念。信中國果有聖人。數武庫之兵。未遺一矢。計鬼方之克。何有三年。檄傳古莽。而猶驚。碑借崑崙。而尚小。凡魚支之韃。婆駝之樂。鬘封三日。權扶兩頭。朱蒙為河伯外孫。老胡號大荒樸父。靡不分頒將士。布列郊圻。圖王會於明堂。坐舌人於門外。陳牲告廟。慰

列祖在天之靈。晉冊承歡。加

聖母深宮之膳。捷書夜至。羣臣悟怯戰之非。恩旨朝頒。天下以從軍為樂。臣伐吳定策。既有愧於張華。平蔡刊碑。又有慚於韓愈。願譯歸義之章。隄官隄構。更歌奉聖之樂。獨鵠琴驃。庶申雀躍之忱。聊補鏡歌之闕。

為黃太保賀平大金川表

臣聞天地生成。溫肅並行之謂道。皇王敷化。神武不殺之謂功。德至聖則股肱之効力也。神化極隆。則宇宙之包容者大。欽惟